

**perpleksa.** Ŝanceliĝa pro senkonsileco, hezitanta inter pluraj kontraŭaj decidoj. Vd DUBI, KONFUZI, EMBARASI, KONSTERNI.

\* **Persekuti** (tr). 1 Kurseki por atingi aŭ malamike trakti: *la ĉasisto ~as leporon*; *rabobirdoj ~is la kolombojn B*; *mort~i cervon*. Kp PELI, POSTKURI. 2 Konstante kruele turmenti: *tiam la kristanoj estis ~ataj*; *la registaro ~adis la gvidantojn de la opozicio*. 3 Fari al iu proceson, voki iun antaŭ juĝisto: *~i debitoron*. 4 (f) (io) Konstante maltrankviligi iun: *en tiu loĝejo doloraj rememoroj ~as min*; *la registaron ĉiam ~is la timo pri ribelo* (Kp SIEĜI). ~isto. Oficisto oficiale komisiita por plenumi la decidojn de tribunalo.

\* **Persiko.** Bongusta frukto de ~ujo. ~ujo, ~arbo. Arbo el fam. migdalacoj, devena de Persujo (*amygdalus persica*).

\* **Persisti** (ntr). 1 (iu) Energie daŭrigi, eĉ malgraŭ ĉiu ajn malhelpaĵo, tion, kion oni komencis fari aŭ pensi: *~i en sia laboro, ĉe sia opinio*; *ne hontu penti pri faro, hontu ~i en eraro Z*; *la akuzato ~as nei*. Kp OBSTINI, INSISTI. Vd KROĈIĜI, ALGLUĜI. 2 (io) Longe daŭri: *la memoro pri li longe ~os*; *la malnova tradicia kutimo ankoraŭ ~as* (Kp ENRADIKIĜI). Rim.: **Persisti** montras prefere energion, **obstini** montras malpravon malcedemon.

\* **Persono.** 1 Homa individuo konsiderata kiel konscia, responduma k havanta deojn k rajtojn: *ĉiu amas ordinare ~on*, *kiu estas simila al li Z*; *oni vivas ne kun mono sed kun ~o Z* (Vd KORO); *konsideri ~ojn ĉe juĝado estas ne bone Z*; *la ~oj, kiuj ne komprenas la uzadon de la artikolo... Z*. 2 (K) Konscia k memstara spirita estulo: *unu sola Dio en tri ~oj*. 3 (G) Konjugacia aŭ pronoma formo servanta por distingi la ~on, kiu parolas, tiun, al kiu oni parolas, k tiun, pri kiu oni parolas: *mi estas la pronomo de la unua ~o. ~a*. Propra al ~o; rilata al difinita ~o k ne al aliaj: *ĉion rigardi tra sia ~a vitro Z*; *estante nun tre okupita por iom rebonigi mian ~an situacion Z*; *tio ĉi donis al la afero karakteron iom ~an Z*; *~a opinio, aludo*; *~a pronomo*. Kp INDIVIDUA, PROPRA. Rim.: **Individua** kontrastas kun **kolektiva**. **Persona** kontrastas kun **anonima**, **neoriginala**, **ĉiesa**. ~e. Per sia propra ~o: *~e viziti iun*; *mi konas lin ~e*.

~eco. Tio, kio konsistigas la ~on; propra k memstara ecaro: *tiu lernanto havas jam karakterizan ~econ*; *la memoro estas nepra kondiĉo de la ~eco*; *estas tre dezirinde, ke la sen~eco k memstareco de nia afero ĉiam pli k pli fortiĝu Z*.

**Perspektivo.** 1 Reprezento de objektoj laŭ la diverseco de aspektoj kaŭzita de ilia malproksimeco k pozicio: *en tiu pentraĵo la ~o estas tre ĝusta*; *linia, kolora ~o*. 2 Aspekto, kiun prezentas, rilate al la punkto, de kiu oni rigardas, objektoj de malproksime vidataj: *de tiu monteto oni ĝuas belan ridantan ~on*; *post ĉiu figuro en la ~o montriĝas kelkaj aliaj Z*; *bird ~o*. (Kp HORIZONTO 1). 3 (f) Aspekto, sub kiu oni prezentas al si pli aŭ malpli malproksiman okazon: *la nuna situacio prezentas vastajn ~ojn k esperojn*; *la vivo alprenis por li novan k pli veran ~on*; *tiu progreso malfermas novajn ~ojn*; *konsola ~o*; *sen~a entrepreno* (Kp HORIZONTO 2).

**persvadi B** (x). Sukcesi kredigi ion al iu: *~i iun pri io*; *~i al iu, ke li edziĝu B*; *la serpento ~is Eŭan ĝustumi la frukton*; *la pasio estas la sola oratoro, kiu ĉiam ~as*; *~a elokventeco*. Kp KONVINKI, ALKONDUKI, DECIDIĜI.

**perturbo.** 1 Ŝ Malordo en la homa korpo pro malbona funkcio de iu organo. 2 Ŝ Malordo en maŝino. ~1 (tr). Kaŭzi ~ojn. ~iĝi. Havi ~ojn.

**Peruko.** Artefarita hararo imitanta naturan kaphararon.

**perversa Z.** 1 Inklina al malbonfarado, malica. 2 Inklina al nenormalaj voluptoj.

\* **Pesi** (tr). 1 Mezuri la pezon de objekto, komparante tiun pezon al alia pezo elektita kiel unuo: *~i leteron, pakafon*; *ne~ebla (senpeza) substanco*. 2 (f) Esplori la valoron de, taksi, ekzameni: *ni devas ~i la ŝancojn*; *per mezuro k ~o akiriĝas sukceso Z*; *longe pripensadi k ~adi (singarde eldiri) ĉiun sian vorton Z*; *la sorto de la ŝtato estas nun ~ata B*. ~ilo. Diversforma aparato por precize taksi la pezon: *vekta, risorta ~ilo*; *~iltaso Z*.

**peso.** Mona unuo de Suda Ameriko, diversvalora laŭ la landoj.

**peseto.** Hispana argenta mono.

**Pesimismo** ŝ. Doktrino laŭ kiu la doloro estas nepra sekvo de la vivo k konsek-